

湖南府縣志輯

中國地方志集成

光緒東安縣志
光緒邵陽縣志



K296.4
10
76

中國地方志集成

湖南府縣志輯 ⑤

光緒邵陽縣志

光緒東安縣志

江蘇古籍出版社●上海書店●巴蜀書社

疆域第一

東安縣志

疆域地圖 沿革圖說

東安於漢為洮陽之地傳云自秦以來嘗置東安驛於今縣城唐末馬氏擅湘桂立東安場宋雍熙升為縣元明不改

國朝隸永州府而統以湖南巡撫布政使其地東西百三十五里南北百七十八里在府城西北偏 京師中綫西五度十三分計里九百三十五北極出地二十六度十四分為距萬二千七百五十三里又三分里之一編十鄉曰宣吐仁智恭中清中清下仁厚仁愛此十鄉

東安縣志

卷一

疆域一

一

光緒元年刊

近又略分為上中下三鄉而舊名尚存宣上鄉者附郭近郊之地也西為宣中東南仁智其恭清仁愛六鄉皆在東北仁厚鄉則環縣城遠郊之地仁愛仁厚皆康熙中增編自縣城至府城陸九十里水百四十里至巡撫布政使駐所陸七百二十里水千二百里至湖廣總督駐所陸千四百七十里水二千四百七十里至巡道駐所衡州府城陸四百五十里水七百里境接五縣周界五百二十二里東南至零陵界四十五里北至寶慶武岡州界四十五里東北至寶慶府邵陽縣界百八十里南至廣西全州界十五里西至全州界四十里北西皆

界寶慶府新甯縣其隅得三十五里而居武岡全州之

交其東北四門寺邵零之交亦入祁陽而不可云界焉

其形勢南帶湘川貫而西東北度應水迤南東出多廣

谷大山民率族居山川阻而不隘兼零邵之俗儉拙猶

過自零陵至全州驛道不經縣城秦漢置驛蓋自邵零

達今興安取道洮陽為郡城通於北部徑路平夷儻其

宏乎五代置場掌以巡官有茶鹽竹木阮治諸場東安

無茶鹽五金大利益資其材木以造舟筏所謂東安場

者疑船場云今以今縣城及天頂為心地平為界以定

外經度三百六十以球腰過極綫為內經度五十三以

東安縣志

卷一

疆域一



二



光緒元年刊



天球距等圈為緯度六十為圖三幅五排方之每方五里計縣境積方里萬有一百五十作疆域圖凡十五葉欲令觀者易於省覽縮之為總圖一篇而列次自漢以來建立省併分合之蹟作沿革圖八篇各為說係於左方



東安縣輿地總圖

每方五里









右圖晉洮陽觀陽應陽三縣今東安及道州永明廣西全州灌陽之地也晉書地理志曰零陵郡統縣十一洮陽第五觀陽第六應陽第十一宋志云晉惠帝分觀陽立應陽晉志注云應陽東界有鼻墟象所封水經注云湘水過泉陵合營水又東北與應水合水出邵陵縣歷山東南流逕應陽縣南晉分觀陽縣立蓋即應水爲名也王隱曰應陽縣本泉陵之北部則今蘆洪司之駐地矣湘水既合營水乃得應水正在今零陵之北應水又逕縣南其爲蘆洪瞭然宗績辰誤據今城以清溪爲應水非也應陽之地去泉陵近而去觀陽絕遠沈鄴俱言分自觀陽益知洮陽之延袤然置城應水之北則近入泉陵蓋地分觀陽城移泉北也

東安縣志

卷一

沿革圖

五

光緒元年刊

宋第四圖



東安縣志 卷一 沿革圖 五 光緒元年刊
右圖宋應陽一縣今東安縣地也其南境安及湘而止宋書州郡志曰零陵內史領縣七惟永昌一合餘皆侯國也應陽男相次第五

馬氏第七圖




東安縣志 卷一

毛 光緒元年刊

右圖五代湖南馬氏零陵清湘二縣今東安及零陵廣西全州之地也舊五代史地理志曰湘州天福四年四月馬希範以湘川縣置仍置清湘縣并割灌陽縣之新史職方考無湘州有全州從後名也梁祖諱全故改全州為湘唐宗諱源故改湘源縣為川石晉升縣為州郭周時又移城于今治之地寰宇記云周顯德三年遷今州理故城遂廢言自隋以來故治至周而廢也

趙宋第八圖



東安縣志 卷一

天 光緒元年刊

右圖宋太宗九年已後之東安縣宋元明 國朝因而不改者也宋史地理志永州零陵郡軍事領縣三東安中第三雍熙元年升東安場為縣元史志永州路至元十三年置安撫司十四年改永州路總管府領縣三東安第二上明史志永州府領州一縣七東安第三元豐九域志云以零陵縣東安場置縣輿地廣記寰宇記并同明一統志云東安本零陵縣地自漢以來置驛於此今一統志遂云東安縣漢泉陵縣地晉分置應陽縣可謂重地性謬者矣漢之零陵去今零陵四五百里洮陽與零陵接界何由夏北侵泉陵

東安之有今零陵地在趙宋置東安縣時明人誤以漢零陵爲今泉陵其謬易見後改泉陵似是而非且明志但云東安本零陵地不係朝代沿九域志之說尙不爲誤今乃直云漢泉陵地宗續辰撰永州志仍之曾不覺悟過矣故詳列八圖定其疆界焉蘆洪成蓋罷於宋初明史地理志云東安在府西北八十四渡山在縣東又東南有湘水自廣西全州流入又有蘆洪江源出縣北九龍巖經城東下流入湘水有蘆洪市巡檢司又有結陂市巡檢司後廢蓋明初定制唐成皆改爲巡檢司今因其制故不更圖其云蘆洪

東安縣志 卷一

光緒元年刊

江出九龍巖經城東下謬中之謬辨正具於山水篇

事紀第二

東安縣志二

晉惠帝 年分零陵郡觀陽縣立應陽

王隱晉書曰應陽本泉陵之北部房元齡注晉志云東界有鼻墟鄴道元云應水出邵陵歷山縣卽水以爲名

宋武帝 年以應陽爲男國令爲男相

陳宣帝 大建五年以伐齊功封于猛爲應陽子改男國爲子國男相爲子相

于猛字世雄琅邪臨沂人本名勇祖父進之齊扶風太守梁武舉兵鄰郡請遣修謁進之不行武帝嘉之卽

東安縣志 卷二 事紀

事紀

光緒元年刊

位以爲左衛將軍封建甯公父清歷東陽太守安南將軍封中盧公承聖末陳霸先殺王僧辯攻僧辯女婿杜龕於吳興龕告難於清清援龕大破陳蒨軍追奔至晉陵時廣州刺史歐陽頎亦同援龕中變殺清歸陳勇時五歲蒨渡浙將訪誅之母韋氏攜勇遯會稽以免及長勤學博涉經史兼習孫吳兵法以父遇禍終陳文帝世不聽音樂疏會布衣以喪禮自處宣帝立乃始求仕大建初釋褐鄱陽王府中兵參軍遷永陽王府錄事參軍慷慨慕功名上疏陳安邊拓境之策隨大都督吳明徹略齊地降廬江等縣克巴清